



UBI – UNION BRASILIAN pro INTERLINGUA
União Brasileira pró Interlândia
Condomínio Serra Azul, Quadra 22, Casa 11 [Bairro: SMS]
73070-045 (Sobradinho) Brasília – DF, BRASIL.
www.interlingua.org.br; presidente@interlingua.org.br



10me Conferentia = Belém

* Reportava: Ramiro B. de Castro, Brasilia-DF.

Decime Conferentia Brasilian de Interlingua Belém-PA, 28 a 30 de julio 2000.

Nos ha arrivate al Aeroporto Val-de-Cans, a Belém do Pará, venerdì le 28, circa 1:30h del matino. Post un volo fatigante de circa 2:15h nos tosto iva al Hotel Nova Avenida, justo in le centro urban. Insimul con me ha viagate anque Henrique [Salvador-BA] e Tarcisio de Oliveira [Sobradinho-DF].

Nos nos eveliava e tosto habeva le jentaculo. Immediatemente nos telephonava a Emerson Silveira, le organisator local del Conferentia. Le centro conferential era proxime al hotel, allora nos tosto camminava verso illo. In le via, un surprisa ! Nos transpassava un bellissime placia appellate "Praça da República" ubi es situate le famose "Theatro da Paz" [Theatro del Pace], sub le stilo del Theatro alla Scalla de Milano, Italia.

Lo loco conferential – le Centro de Cultura Italian – se situa in un optime quartiere urban e illo era mesmo facilmente attingibile. Nos arrivava e tosto incontrava Emerson, su cosino Fabio e Gilson Passos e D. Amelia. Le centro cultural italian functiona in un domo ancian e historic. Allora, nos ascendeva le scala, proque le camera usate per nos se situava in le prime etage.

Nos nos hastava pro organisar rapidamente le expositiones: de libros e manuales in/super interlingua, del foliettos variate super interlingua in 20 linguas e anque de photos ab le conferentias national e international passate. Nos nos presentava e initiava le Apertura Official cuje declarate per le actual Presidente del UBI, Ramiro B de Castro. Se sequeva un lectura del correspondentias national e international de benvenita recipite per Emerson Silveira ab multe collegas estranier e brasilian. Como parte del finalisation, R. Castro discursava super le historico succinte del interlinguistica. Justo quando nos finiva lo, entrava in le sala un reporter del jornal local – "O Liberal" – le major de tote le nord brasilian.

Le jornalista Aline tosto faceva con nos un longe interview e prendeva qualche photos. Malgrado le pauc participation personal, forsan a causa del horario non tanto conveniente pro un apertura, tamen le conferentia habeva successo – diverse decisiones importante era prendite.



Altere jornalistas faceva interview con nos, ab le “Televisão Liberal e Televisão RBA” e includeva le reportage in le notitias televisive local.

Nos sortiva pro le lunch in le restaurante “mixture paulista”. Como dessert nos tosto peteva succo de “cupuaçu” [lege lo: kupuassu], ex un fructo vermente divin e saporose. In iste region brasilia, le nord amazonic, le lingua national portugese/brasilian es plen de parolas ab origine indigene.

Quando nos retornava, Emerson [in Brasil, secundo nostre cultura local, il es un costume appellar un persona conforme su prime nomine] faceva le presentation touristic belemese, lo que interessava a tote participantes. In le sequentia del programma, on legeva le varie reportos del representantes del UBI re le periodo 1999/2000 – le actiones e mancos !

Post un breve pausa, ubi nos profitava pro dar un altere interview a un reporter del television local, on justo recipeva un interessato esperantista multo theoretic, qui tosto faceva un commentario miscente como un salata su lingua schematic e interlingua. Post nostre interview, nos acclarava le reporter, qui lo acceptava de bon grado ! Quando se faceva le pausa, le visitante immediatamente dispaveva ...

Nos deve esser secur in iste ocasiones. R. Castro era fortiate a interromper le enoiose opinion personal del visitante – cuje tempore opportun era justo le historico interlinguistic dum le matino, e finalmente continuar le programmation stablite. In iste occasion io sempre me memora le consilios del culte Prof Ingvar Stenström e Peter Gopsill super como relationar se con alcun esperantistas exaggerate !!

Se sequeva le proxime item del programma, que era le election e confirmation del urbes-sede pro le futur conferentias. Le associatos del UBI al stato São Paulo non confirmava le candidatura del citate, dunque nos debeva prender un decision e on decideva realisar le 11me COBINTER a Sobradinho-DF in julio 2001, ubi il jam existe personas prompte a travaliar Le financias era presentate a tote participantes, insimul con le plano de travalio del Directorio, que inclusive jam era informate per circular.

Sabbato, le 29 de julio comenciava con le parve jentaculo in le hotel. Le prime item programmatic era un reporto oral del participantes del departamentos de labor. Super le departamento de cursos, Gilson Passos informava que jam 14 interessatos faceva le Curso Postal per correspondentia. R. Castro sollicitava a Carlos Henrique [Salvador-BA] que ille prepara e organisa nostre futur manual pro uso in le nivello elementari “Curso Conversational”. Ille promitteva facer lo usque a decembre. Le Departamento de divulgation communicava a totes que jam es prompte un folietto basic pro diffusion popular. Le Departamento informatic decideva



anque travaliar pro reservar immediatamente un adresse electronic
exclusivamente pro le UBI in le commando o dominio "org.br".

Le altere itel del programma era un officina de travalio. Le gruppo travaliava
durmente pro finir un projecto concrete de divulgation con multe
informationes super interlingua, su uso practic, etc que sera usabile in
nostre contactos con autoritates, politicos, parlamentares, educatores,
scientistas, studentes univeritari, etc.

De iste vice, nos iva lunchar in le restaurante "Spazio Verde", cuje mangiar
tamen incantava a omnes. In ultra offerer un mangiar typic, il haveva
anque succos regional.

Nos retornava per perde al centro conferential sub le tunnel verde del
altissime [usque 20m de altor] arbores de mangos, venite ab India al initio
del seculo XX, e cuje umbras coperi le vias totalmente. Carlos Henrique ab
Salvador-BA, dirigeva le session aperte pro conversation libere con jocos
pedagogic ludic, lo que captava le attention del publico. Post un breve
pausa, quando era le opportunitate unic a Emerson monstrar practicamente
pro totes in le microcomputator le pagina domestic del UMI e del UBI, il
occorreva le ultime parte del programma, que era le examines de tabula.
Pro le nivello intermediari faceva le test Emerson Silveira, cuje grado
aatingeva puncto 10, le grado maximal; e pro le nivello professoral lo
faceva Carlos Henrique, cuje punctos summava 8,5, lo que anque attingeva
le approbation.

Veniva le momento del fin conferential. Nos regratiava a totes e tosto
declarava le clausura. Nos passava al hotel e tosto nos dirigeva, un parve
gruppo, al confraternisation in le "Estação das docas", un ex station portuari
integremente riparate e reformate pro lunchar le mangiares typic – il
haveva anque possibilitate de promenar se per barcas in le litore belemese.
Nos toastava le 10me anniversario del UBI.

Dominica , le 30 de julio era le jam traditional die touristic, con le
promenada transurban. Nos sortiva del hotel e primo comenciava le
itinerario per pede. Nos iva al Mercato "Ver-o-Peso" e su feria circumvicin,
le placia del "relógio" [un miniatura del bigben londonese], le cathedral "sé"
datate de 1640 sub le stilo baroc, le "Forte do Castelo" ubi le urbe era
fundate in le 12 de januario 1616.....

Postea nos prendeva un bus e post vehicular sub le diverse tunnelos verde
de alte manghios, nos descendeva junto in le "Basílica de Nazareth", un
ecclesia de 1850 sub le stilo romanic. Nos camminava usque le "Parque da
Residencia", le ancian domo del Governator Provincial, ora cambiate a un
belle parco ecologic con fontes e restaurante, ubi nos lunchava plattos typic
regional. Il era notabile anque un ancian wagon de traino ab le antique



Ferrovía Belém-Bragança, ubi nos entrava pro haber un deliciose gelato regional.

Nos postea iva al Mercado São Braz, o le ancian station central del ferrovía, ora functionante como un grande mercato de artesanato touristic. Nos retornava in le mesme "Avenida Nazaré" ubi nos entrava in le Museo Goeldi, que es anque un parco natural zoobotanic, con diverse e immense arbores e species amazonic vive.

Nos passava anque per "Praça da República" [placia de republica], ubi il habeva un feria artisanal. Nos cognosceva le famose Theatro da Paz solmente in su exterior, a causa que le gruppo jam era troppo fatigate del excursion, principalmente a causa del sol brillante, sub un die de calor equatorial con 34 grados Celsius.

Dunque, nos tosto finiva le parve excursion touristic e nos nos preparava pro le retorno. Nostre volo per le compania brasilian Varig era 4:30h del matino e nos arrivava al Aeroporto Juscelino Kubistchek, de Brasilia circa 7h del matino sub un temperatura de 12 grados °C

Malgrado le parve participation personal, como io jam diceva anteriormente, le conferentia attingeva su fines.

Pro le proxime conferentia on jam ha qualque ideas, como iniciar lo venerdì nocte, como nos jam faceva in le Sexte Conferentia in João Pessoa-PB, lo que attraheva plus le publico, principalmente illes qui travalia e studia.

On anque lanceava le idea de cambiar le nomine – multo pompose – de Conferentia pro Incontro, como jam face le nordicos europees, que anque in nostre lingua luso-brasilian da un idea plus clar e correcte de nostre scopos. Nos jam es aperte pro recipere opinions pro e contra.